

nikiracukɯ 'acipi

'una kina'ucanga marangɯ cu. nipacɯvɯɾɯ nguani na cimɯɾɯ mapusan  
vangata takuisi. noo matarava cu taniara ia, araɯn cu nguani mumu takuisi  
mapu'a na tamia'aa. kina'ucanga isua 'akia nguani tamna manu. sii ka'anɯ  
mamanɯng tamu nanakɯ tamna tina'an, 'inmamia cu tamu sarunai tɯni pa  
putukio.

'una ucani cenana, musukɯmɯ tamu nanakɯ, monoon tapasavuana.  
tantaniara marangɯ sarunai mukusa tapasavuana mincau 'inia. cenana mesua  
kana'amisan cucuru makungu. noo matirupangɯ cu marangɯ  
sarunai 'apakɯnɯ takuisi ia, matikuru cu makacɯmɯɾɯ tikuru, maica na 'una  
ɯɾɯna cacanɯ. sii makungu curu, ka'anɯ tarasangai makɯɾɯkɯɾɯ.

tantaniara marangɯ marivici campe nipo'ucipia macici mumu takuisi,  
mukusa na tapasavuana. "nimikia kasu nanu iavatu?" kesoniɯn tamu  
nanakɯ, 'esi makɯɾɯkɯɾɯ marangɯ sarunai tamna kɯkɯ, makai 'una vakɯɾɯ.  
ka'anɯ marangɯ sarunai tia pakaka tamu nanakɯ tamna cɯpɯngɯ. imua paira  
marivari, tinipuru ku cau cucumeni tamna kuruma misee. nakai pacɯpɯngɯ  
tamu nanakɯ, makasia aka tanira, tia kara 'una kuruma mucimɯɾɯ? mataa tia  
kara tantaniara 'una kuruma?

nimoon cu na tapasavuana tamu nanakɯ ucani vuanɯ. muruvuarɯ cu  
kani matai'i na tapasavuana. makari na 'iseeng tia cu ku aratɯkɯnɯ misee.  
nivua 'iseeng savuana, mikarɯ cu kangkuhu tumatacucu 'inia mutanasa.  
surumu 'una cau marisusuna: "'una cau takuvɯcɯnɯ kurisivatɯ!" 'esi na  
ɯɾɯna cacanɯ 'una cau kurisivatɯ 'inia. marangɯ nguain tamna capai.  
mukusa 'inia kangkuhu cumacɯ'ɯra, nguaiava sua tantaniara tumatacucu  
mumu takuisi marangɯ. makacang tamu nanakɯ murungu papanapa  
tikuru 'apacaruvu 'inia. cumacɯ'ɯra nipaicaa cacanɯ,  
tapikupiku 'inia 'anuka 'acipi. cumacɯ'ɯra makɯɾɯkɯɾɯ sua marangɯ  
sarunai. cucuru aka cɯpɯngɯ makasi: "ɾɯ'ɯvɯ marangɯ, sosomanpe kasua!"  
marivari marangɯ sarunai: "maraini! matatɯricang cu natia imaa musu  
mumu takuisi." tamu nanakɯ muru'ɯsɯ'ɯ uma'atɯpɯ marangɯ sarunai.  
makasi kana'amisan isi cucuruana ma'avu cɯpɯngɯ maku, ka'anɯ tia  
roimiɯn na cacanɯ 'anuka 'acipi.

115 年全國語文競賽臺灣原住民族語言朗讀文章 【卡那卡那富語】 國中學生組 編號 3 號  
腳印

有對年長的夫妻，住在山上飼養乳羊，他們按時程擠出羊奶賣到商家。老夫妻沒有小孩，老奶奶身體也不好，只有老爺爺可以工作。老奶奶生病住在醫院，老爺爺每天帶著剛煮熱的羊奶送到醫院。老奶奶已經住院一個月，要求醫生讓她出院。突然有人大喊有老人家倒臥在雪地上。護理人看到是那位每天送羊奶的老爺爺，老奶奶望著他所經過的足跡說，老伴啊！感謝你啊！老爺爺說，不好意思羊奶已經涼了。老奶奶掉著眼淚說這個冬天真是溫暖啊！